

իշխանաց. պնուամեծար եւ իշխանաշուք մեծա-
 տանց. գոյիւք զեղուն եւ բնշիւք յոգնարեղուն
 Գօլվաթաւորաց. իմաստախոհ եւ հանձարեղ վա-
 ճառականաց, հաւատարիմ եւ հարազատ գանձա-
 պետաց, եւ իրիցփոխանաց, քրտնավտակ եւ ար-
 դարավաստակ հողագործաց, եւ այլ առհասարակ
 ամենայն ժողովրդականաց խմբից մեծամեծնա-
 մեծաց (sic) եւ փոքունց արանց եւ կանանց, ծե-
 բոց եւ տղայոց, երիտասարդաց եւ կուսից, եւ
 ամենայն շափու եւ հասակի ի Քրիստոս Աստուած
 հաւատացելոց եւ լուսաւորչածին երամոյց խնդալ
 ի Տէր. Ամէն: Շնորհք՝ սէր՝ խաղաղութիւն, եւ
 օրհնութիւն յԱստուծոյ Հօրէ գերսկզբնական
 պատճառ էին ինքնագոյի. գթութիւն եւ ողորմու-
 թիւն ի նորին իսկակից բանին էականի նոյնազօրի.
 սէր եւ քաղցրութիւն համապատուի նոցին ամե-
 նազօր սուրբ Հոգւոյն կենարարի, իջէ եւ հանգիցէ
 ի վերայ ձեռ եկեցէ եւ բնակեցցի առ ձեզ, իբրեւ
 Ղյորձանս գետոց, եւ որպէս զվտակս աղբերաց.
 անսպառ խաղացմամբ եւ առատապէս ծաւալմամբ:
 Ընդ որոյ հովանաւորութեամբն զօրասլէք միշտ,
 ամէն: Չոր օրհնութիւն աստուածային, մաղթանք
 եւ բարեխօսութիւն ամէնօրհնեալ սրբուհւոյ Աս-
 տուածածնին, եւ սրբոյն Յովհաննու Արարպետին.
 եւ որբոյն Ատեփաննոսի նախավիպին, եւ որբոյն
 Գրիգորի մերոյ Լուսաւորչին, եւ ամենայն սրբոց
 երկնաւորաց եւ երկրաւորաց առ ձեզ լիցի, եւ
 օրբստօրէ լցուցէ զձեզ փառօք, պատուօք եւ ար-
 գասալիբ ճօխութեամբ, իբրեւ որթս եւ զոստս
 սաղարթախիտ եւ պտղալից գրախտ անկեալ ի
 դնացս Հոգւոյն վտակաց, կալ մնալ ձեզ խաղա-
 ղական կենօք, եւ պարագայց ամօք. յամերամ
 ժամանակօք, եւ խոր խաղաղութեամբ, եւ ան-
 տրբաւմ ուրախութեամբ մինչ ի խորին ձերու-
 թիւնն: ամէն: Այլ եւ օրհնեցէ զձեզ Տէր Աս-
 տուած մեր եւ զարգարեցէ հօգւով եւ մարմնով,